

Nsenga - Agape Malembo - God's Love Letter Scriptures

Yohane 15:9 "Ngani mwakunitemwela Atata, nane soti nukutemwani. Muwokuŵa mu cinthemwa cangu ici.

Yesaya 43:1,2 - Aifeso 2:10 Mulungu etipanga sewo mwatilili, mwa Kristu Yesu etilenga sewo mu umoyo wa nchito iweme yecikonzekela kale kuti sewo ticite.

Yelemiya 1:5 - AGalatiya 1:15 Koma Mulungu mwa cisomo cake enisalula, nikaliyovyalika noniyita kuti nikamutumikile.

Yohane 15:16 Ni mwewolini mwinisalula yayi, koma ni newo nikusalulani mwewo. Nipo nikusalulani kuti muzetwale vitwalo–vitwalo vake vonkhalisha. Motetyo, ciliconse camungasenge Atata mu zina yangu, azeakupeni.

3 Yohane 1:2 Wotemweka, nulomba kuti vonse viyende luweme nipo umi wako uŵe luweme, mwauŵela luweme moyo wako wa uzimu.

Yesaya 43:4 - 1 Petulo 2:9,10 Koma mwewo nimwe luko yosaluliwa, ansembe acifumu, mtundu wopatuliwa, ŵanthu ŷake–ŷake ŷa Mulungu. Ekusalulani kuti mukaŵilizye nchito za mphamu za yeve ekuyitani kuti mufume mu mfinzi mukalowē mu kuŵala kwake kokanganisha. 10 Kale mwenzelini ŵanthu ŷake, koma lomba nimwe ŵanthu ŷa Mulungu; kale mwenze muliyopokele lusungu, koma lomba mwapokela lusungu.

Yelemiya 31:3 - Aifeso 1:4 Cukanga calo pecenze cikaliyolengewa, Mulungu enzeetisalulilatu kuŵa ŷake mwa Kristu, kuti tiŵe atuŵa aliye ŷanga pa meno pake.

2 Timotyo 1:9 Yeve etipulumusha, nipo etiyita kuti tiŵe ŵanthu ŷake. Aliyocite ivi cikomo cakuti sewo tecita nchito iweme yayi, koma cikomo cakuti mwine eziwamyilatu motetyo, nipo notipa cisomo mwa Kristu Yesu, nsita ikaliyotatika.

Yohane 3:16 Mulungu ewatemwa ngako ŵanthu wonse ŷa pa calo ca pansi. Tetyo, ewapa Mwana yumo yeka, kuti aliyense wocetekela mwa yeve osati atayike, koma awê na moyo wosasila.

Hoseya 11:8; Yesaya 49:15,16; & Yesaya 41:13,14

Luka 12:32 "Mwewo mbelele zangu, cukanga muli atontho, osayopa, pakuti kwiwamila Awusu wanu kuti akupeni Ufumu wake.

Mateyo 28:20 Mukôwasambizya kusunga vonse venikulamulilani. Nipo newo nili namwe masiku wonse, mpaka kusila kwa calo cino ca pansi."

Yohane 14:1 Yesu ewuzya asambilili wake ŷala kuti, "Mitima yanu isavutike. Cetekelani mwa Mulungu, cetekelani soti mwa newo.

MaSalimo 23:1 - Yohane 10:11 "Newo nine ciŵeta muweme. Ciŵeta muweme otaya moyo wake kuti apulumushe mbelele zake.

MaSalimo 23:2 - Cokundululiwa 7:17 Pakuti Mwana wa Mbelele wala wa pakati pa mpando wa cifumu akaŵe ciŵeta wawo, nipo awoŵatangulila ku manzi ŷa moyo, na Mulungu akaŵapukute misozi iliyonse mu meno mwawo."

MaSalimo 23:3,4 - Luka 1:79 Kuŵala kwake kuzesanikile wonse onkhala mu mfinzi ngani imfwa, kuzotithangulila pa njila ya mtendele."

MaSalimo 23:5,6 - 2 AKolinto 1:10 Niye etipulumusha ku voyofya voteti va imfwa,

nipo akatipulumushe soti.

AFilipo 4:7 Potetyo mtendele wofumila kwa Mulungu, uli wopula nzelu zonse za wanthu, usunge luweme mitima yanu na malingililo wānu mwa Kristu Yesu.

My. - MaLinganizyo 3:24 & MaSalimo 4:8 - Yohane 14:27 "Nukusiyilani mtendele. Nukupani mtendele wangu. Nukupanilini mtendele wala ngani mwamene calo ca pansi cupela yayi. Mtima wanu usavutike keno kuwa na nkhawa.

MaSalimo 33:18 - 1 Petulo 3:12 Pakuti meno wa Leza ali pa wānthu wolungama, na matu wake ni wovulika ku malombelo wāwo. Koma cinso ca Leza culoleshalini pa wala ocita viyipa."

ARoma 5:2 Kupitila mwa yeve etivulila njila kuti pocetekela tipokele cisomo ici mwawanzi, watankhazikikamo lomba. Nipo tusangalala mu cilolelo ca ulemelelo wa Mulungu.

Yesaya 55:12 - Luka 19:40 Yeve elawila kuti, "Nikuti awa akayingokuwa celele, myala iyi iwilikizye cendi."

Yohane 16:22 Tetyo, mwewo soti muvutika lomba, koma nizenikuwoneni soti. Pamene apo mitima yanu izeitemwe, nipo paliye munthu watiazeakupokeni cisangalalo canu cala.

Luka 12:9 Koma wala onikana pa meno pa wānthu, akakaniwe pa meno pa angelo wa Mulungu.

Mateyo 10:30 Nipo sisi yanu eyiwelenga yonse.

Yesaya 54:10 - Mateyo 24:35 Kululu na calo ca pansi vikasile, koma malizu wāngu akasilelini mphamvu."

Mateyo 11:28-30 "Welani kwa newo, mwewo ovupa na wolefuka, nipo nikupeni mpumulo. 29 Takulani goli yangu, nipo sambililani kwa newo, pakuti nine wolezya na wolefya, nipo mufwane mpumulo wa mizimu yanu. 30 Pakuti goli yangu ni yosatamanisha, nipo katundu wangu ni wopecuka."

Solomoni 2:10 & Hoseya 2:14,19,20

2 AKolinto 11:2 Ukwa wanukucitilani ni wala ngani wa Mulungu. Pakuti nekuyikani mu ciyawo na mwanalume yumo yeka, ngani mwanakazi wokwatiwa wa ngwilyo na mtuwa mtima, kuti muwe wake-wake wa Kristu.

Ek. - Exodus 3:14 - AHebeli 13:8 Yesu Kristu ni yumo – ni yumo mailo, lelo, na nsita zosasila.

Hoseya 13:4 - Machitilo 4:12 Nipo paliye tuyakine aliyense angapulumushe wānthu, pakuti pa calo conse ca pansi paliye zina iyakine Mulungu yecipa wānthu kuti tipulumuke nayo."

Yohane 15:14 Mwewo nimwe ayangu keno mucita vanakulamulilani.

Yohane 14:6 Yesu emuyasuka kuti, "Newo nine njila, nine vyendi, nipo soti nine moyo. Paliye munthu angafwike kwa Atata keno opitilalini mwa newo.

Cokundululiwa 3:20 Onani! Napanama pa mulyango nukonkhosha. Aliyense wātiavwe lizu yangu novula ciseko, nilowē nakulya naye pamo.